



PREDMET: Pojašnjenje tenderske dokumentacije

U sjedištu Ugovornog organa dana 30.04.2025. godine, pod brojem protokola: JN-OP-868-13/2024, zaprimljen je Zahtjev za pojašnjenje tenderske dokumentacije, broj: JN-OP-868/2024 u postupku javne nabavke (Nabavka opreme, radova i usluga za potrebe realizacije zamjene opreme u TS 400/x kV Sarajevo 20, I faza), dostavljen od strane privrednog subjekta (ELNOS BL d.o.o. Banja Luka), u kome se traži sljedeće pojašnjenje:

1. Molimo Vas da nam dostavite informaciju o visini prostorije za smještaj SN postrojenja.
2. Na st. 86 Konkursne dokumentacije, između ostalog stoji:
„13.5. Pogonska zgrada - SN postrojenje 35 kV i 10(20) kV
Postrojenja 35 i 10(20) kV su unutrašnje montaže, izvedena u slobodnostojećim metalom oklopljenim, zrakom izolovanim ćelijama.”,
Na st. 437 — tlocrt postrojenja, prikazan je slobodan prostor između zida i 35kV postrojenja koji je 455mm, i koji nije dovoljan za pristup i rad sa zadnje strane.
S obzirom na navedeno, molimo Vas da potvrdite da je 35kV postrojenje dozvoljeno ponuditi za dozidnu montažu.
3. Molimo Vas da potvrdite da se u Konkursnoj dokumentaciji pod terminom Proizvođač smatra i svako zavisno društvo koje je pravni zastupnik matične kompanije.
Molimo Vas da potvrdite da je kao dokaz dovoljno priložiti ovlaštenje/autorizaciju proizvođača, kao i sertifikate osposobljenosti za izvršenje zahtevanih usluga.
4. Na st. 186 konkursne dokumentacije, između ostalog stoji:
„Ponudač je obavezan da uz Ponudu dostavi kompletne protokole o provedenim tipskim ispitivanjima navedenim u Tabelarnom pregledu tipskih ispitivanja - PRILOG 16.4.”.
Molimo Vas da potvrdite da je uz ponudu dovoljno dostaviti Zaključke o uspešno izvršenim tipskim ispitivanjima navedenim u Tabelarnom pregledu tipskih ispitivanja PRILOG 16.4 i PRILOG 16.5
5. U PRILOG -u 16.4, kao i PRILOG-u 16.5 navedena je lista zahtevanih tipskih ispitivanja.
Između ostalog zahteva se i tipski atest za Ispitivanje pomoćnih i upravljačkih krugova.
Standardom IEC 62271-200 navedena ispitivanja se ne definiše kao tipska ispitivanja.
Definisana su Klauzulom 6.10. Dodatna ispitivanja pomoćnih i upravljačkih krugova. Ova vrsta ispitivanja se obavlja kao deo testa niskonaponskih komponenti i zavisi od uređaja koji su ugrađeni u NN odeljku, te se sprovode kao deo rutinskih ispitivanja.
U skladu sa navedenim, molimo Vas da potvrdite da navedeni atest nije potrebno priložiti.

6. Molimo Vas da potvrdite da je dozvoljeno ponuditi merne transformatore manjih snaga od onih koje su navedene u Tabeli tehnička specifikacija SN postrojenja 12(24)kV kao i 361 kV, ukoliko ponuđene vrednosti zadovoljavaju tehničke zahteve zaštitne i merne opreme. Isto bi se potvrdilo proračunima u okviru projektno dokumentacije koja je sastavni deo zahteva Konkursne dokumentacije.

A sve u skladu sa navedenim na st.206 Konkursne dokumentacije: „Nazivna snaga SMT i NMT treba biti prikladna ulaznoj snazi mernih i zaštitnih instrumenata.”

7. U delu Tehnička specifikacija SN postrojenja 12(24)kV u delu

1.5. Čelija 12(24) kV za priključak kućnog transformatora

Za prikaz kućnog transformatora koristiti zaštitno-upravljački uređaj u susjednoj ćeliji;

Dok u delu

D.13 OPREMA ZA ZAŠTITU I UPRAVLJANJE, U tački 8. između ostalog stoji:

„Isporuka zaštitno-upravljačkog uređaja ... ćelija za priključak kućnog transformatora—2 kom”.

Molim Vas za dodatno pojašnjenje, da li je za ćeliju za priključak kućnog transformatora potrebno ponuditi zaštitni uređaj?

Ugovorni organ u zakonski ostavljenom roku, shodno članu 56. stav (2) Zakona o javnim nabavkama ("Službeni glasnik Bosne i Hercegovine", broj: 39/14, 59/22 i 50/24) daje odgovor sa pojašnjenjem kako slijedi:

1. Visina prostorije za smještaj SN postrojenja u TS 400/220/110/35/10 kV Sarajevo 20 je 3780 mm, do grede.
2. Saglasni smo da se SN postrojenje 35 kV može ponuditi u izvedbi za prizidnu (dozidnu) montažu vodeći računa da pristup kablovskom odjeljku treba biti omogućen s prednje strane ćelije kako je navedenu u opisu kablovskog odjeljka za postrojenje 35 kV na strani 201/440 tenderske dokumentacije.
3. Jedan pravni subjekat može da ovlasti drugi, ako ispunjava njegove uslove, da ga zastupa ili vrši neke usluge u njegovo ime.
Može se prihvatiti, gdje se u TD traži od ponuđača da u ponudi dostavi izjavu proizvođača, da neki drugi pravni subjekt ako je ovlašten/autorizovan od proizvođača (odnosno da ponuđač koji nije proizvođač), dostavi tu izjavu, ali da uz tu izjavu dostavi ovlaštenje/autorizaciju proizvođača, kao i sertifikate osposobljenosti za izvođenje zahtjevanih usluga.
4. Ponuda treba sadržavati zbirni tabelarni pregled tipskih ispitivanja za SN postrojenje u skladu sa Prilogom 16.4 i Prilogom 16.5 tenderske dokumentacije, koji mogu sadržavati zaključke o uspješnosti navedenih tipskih ispitivanja.
Dozvoljeno je dostaviti sažetke tipskih atesta i protokola za ponuđeno SN postrojenje, koji moraju sadržavati minimalno:
 - vrsta provedenog tipskog ispitivanja (sa pozivom na stavku standarda)
 - tip SN postrojenja/vrsta (fabrička oznaka tipa) i serijski broj ispitane SN ćelije
 - broj crteža i ostale prateće dokumente koji omogućavaju nedvosmisleni identifikaciju ispitivane opreme
 - datum ispitivanja i datum izadavanja protokola
 - broj protokola, naziv laboratorije koja je provela ispitivanje i kvalifikaciju
 - uspješnost provedenog testa.

5. Tipske ateste za ispitivanje pomoćnih i upravljačkih krugova definisanih u Prilog-u 16.4 i Prilog-u 16.5, nije potrebno prilagati u Ponudi. Navedena ispitivanja će se uraditi kao dio rutinskih ispitivanja kod prijema opreme.
6. Ostajemo pri definisanim zahtjevima za snage mjernih transformatora u specifikacijama za SN postrojenja 12(24)kV i 36 kV u predmetnoj tenderskoj dokumentaciji.
7. Ostajemo pri definisanom zahtjevu iz tenderske dokumentacije odjeljak D.13-Oprema za zaštitu i upravljanje, tačka 8. gdje je specificirana isporuka zaštitno-upravljačkog uređaja ćelija za priključak kućnog transformatora - 2 kom, a u dijelu 1.5 Ćelija 12(24) kV za priključak kućnog transformatora je greškom napisano da će prikaz kućnog transformatora koristiti zaštitno-upravljački uređaj u susjednoj ćeliji.

S poštovanjem,

Predsjednik Komisije za
JN-OP-868/2024



Ezedin Livnjak